

तू राजा की राजदुलारी हरियाणवी शिव भजन लिरिक्स



तू राजा की राजदुलारी,
मैं सिर्फ लंगोटे आला सुँ,
भांग रगड़ क पिया करूँ मैं,
कुंडी सोटे आला सुँ।bd।

पंच धुण्या में तपया करूँ तुं,
आग देख क डरज्यागी,
सौ सौ सर्प पड़े रहं गल में,
नाग देख क डरज्यागी,
धरती के महं सोया करूँ मैं,
रात देख क डरज्यागी,
राख घोल क पिया करूँ मैं,
हाल देख क डरज्यागी,
एक कमंडल एक कटोरा,
फुटे लोटे आला सुँ,
भांग रगड़ क पिया करूँ मैं,
कुंडी सोटे आला सुँ।bd।

सौ सौ दासी दास तेरः,
आड़ः एक भी दासी पास नहीं,
महलां आला सुख चाहिए आड़ः,
सतरंज चौपड़ तास नहीं,
तुं बागां की कोयल से आड़ः,
बर्फ पड़े हरि घास नहींं,
सयाल दुसाले ओढ़ण आली मेरः,
काम्बल तक भी पास नहींं,
तुं साहुकार गुजारे आली,
मैं बिल्कुल टोटे आला सुं,
भांग रगड़ क पिया करूँ मैं,
कुंडी सोटे आला सुँ।bd।

पालकी में सैर करै मैं,
पैदल सवारी करया करूं,
पर्वत ऊपर लगा समाधी मैं,
अटल अटारी रहया करूं,
तुं महलां में वास करः मैं,

समस्त भजनों के लिरिक्स और विडियो बिना बिना धरती भी आसो बाइल में देखने के लिए गूगल प्ले स्टोर या एप्पल
एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



बढ़िया भोजन नहीं मिले मैं,
पेट पुजारी रहया करूं,
तन्नै जुल्फा आला बंदड़ा चाहिए,
मैं लाम्बे चौटे आला सुं,
भांग रगड़ क पिया करूं मैं,
कुंडी सोटे आला सुं।

मेरी गैल्यां घिरसती आला,
खेल खिलाना ठीक नहीं,
सही कहूं सुं पार्वती तैन्नै,
बयाह करवाना ठीक नहीं,
भांग धतुरा पिया करूं मैं,
तेल पिलाना ठीक नहीं,
मेरी जटा मे गंग बहे उड़ै,
मोड़ धराणा ठीक नहीं,
मां गेराम बोझ मरज्यागी,
मैं जबर भरोटे आला सुं,
भांग रगड़ क पिया करूं मैं,
कुंडी सोटे आला सुं।

तू राजा की राजदुलारी,
मैं सिर्फ लंगोटे आला सुं,
भांग रगड़ क पिया करूं मैं,
कुंडी सोटे आला सुं।

गायक – नरेंद्र कौशिक जी ।
प्रेषक – राकेश कुमार ।
खरक जाटान(रोहतक)
9992976579